

ინსტიტუტის პირველი სამეცნიერო საბჭო

პაატა გუგუშვილი



საბჭოს თავმჯდომარე
(იხილეთ დირექტორების ბმული)

სიმონ ჯანაშია



1900-1947. სახელგანთქმული ისტორიკოსი, საქართველოსა და საბჭოთა კავშირის მეცნიერებათა აკადემიის აკადემიკოსი, მეცნიერების დამსახურებული მოღვაწე. 1941 წლიდან საქართველოს მეცნიერებათა აკადემიის ვიცე-პრეზიდენტი და ისტორიისა და ენათმეცნიერების ინსტიტუტის დირექტორი.

ნიკო კეცხოველი



1897-1982. საქართველოს ბოტანიკური სკოლის ერთ-ერთი დამაარსებელი, საქართველოს მეცნიერებათა აკადემიის აკადემიკოსი, მეცნიერების დამსახურებული მოღვაწე. იყო საქართველოს სსრ მეცნიერებათა აკადემიის სოფლის მეურნეობის (1942-1957) და ბიოლოგიის განყოფილებების (1957-1963) თავმჯდომარე, ვიცე-პრეზიდენტი (1943-1945), თსუ რექტორი (1945-1952), 1963 წლიდან საქართველოს მეცნიერებათა აკადემიის ბოტანიკის ინსტიტუტის დირექტორი..

ფილიპე გოგიჩაიშვილი



1872-1950. ინსტიტუტში მუშაობდა 1944-1950 წლებში უფროს მეცნიერ თანამშრომლად. კონომიკურ მეცნიერებათა დოქტორი, პროფესორი (1935), მეცნიერების დამსახურებული მოღვაწე. თსუ ერთ-ერთი დამაარსებელი. 1918 წლიდან თბილისის სახელმწიფო უნივერსიტეტში კითხულობდა პოლიტეკონომიის, ფინანსების, სტატისტიკისა და ეკონომიკური აზრის ისტორიის საუნივერსიტეტო კურსებს.

გიორგი გეხტმანი



1870-1956. ეკონომიკურ მეცნიერებათა დოქტორი, პროფესორი, მეცნიერების დამსახურებული მოღვაწე. იგი იყო ჟურნალ "ნაკადული"-ს და საქართველოს გეოგრაფიული საზოგადოების ერთ-ერთი დამაარსებელი, თბილისის პირველი კომერციული სასწავლებლის დირექტორი (1906-1919), თსუ ლექტორი (1921 წლიდან) და ეკონომიკური გეოგრაფიის კათედრის გამგე (1923-1956), საქართველოს სასოფლო-სამეურნეო ინსტიტუტის ეკონომიკის კატედრის გამგე (1930 წ.).

ნიკოლოზ ქოიავა



1892-1967. ეკონომიკურ მეცნიერებათა დოქტორი, პროფესორი. 1919-1967 წლებში იგი იყო ივანე ჯავახიშვილის სახელობის თბილისის სახელმწიფო უნივერსიტეტის ლექტორი, დოცენტი, პროფესორი, ფინანსებისა და კრედიტის კათედრის გამგე, ეკონომიკური ფაკულტეტის დეკანი და თსუ პრორექტორი.

აკაკი კაკაბაძე



1898-1964. ინსტიტუტის პირველი სწავლული მდივანი (1944), განყოფილების გამგე (1948-1963), უფროსი მეცნიერ თანამშრომელი (1963-1964). ეკონომიკურ მეცნიერებათა დოქტორი, პროფესორი. იყო თბილისის საფინანსო ინსტიტუტის დირექტორის (1936-1938) და თსუ ეკონომიკის ფაკულტეტის დეკანის მოადგილე (1938-1941), უნივერსიტეტის სწავლული მდივანი (1942-1944).

იოსებ ბაჯაძე



კათედრის გამგე (1958).

1908-1960. იყო ინსტიტუტის განყოფილების გამგე (1944-1955). ეკონომიკურ მეცნიერებათა კანდიდატი. ამიერკავკასიის მეაბრეშუმეთა ს/კ ინსტიტუტის დირექტორი (1935-1936), საქართველოს სასოფლო-სამეურნეო ინსტიტუტის დირექტორის მოადგილე (1935-1936), საქართველოს კპ ცკ-თან არსებული პარტიული სკოლის კათედრის გამგე, თსუ ეკონომიკის ფაკულტეტის პოლიტეკონომიის და ეკონომიკის ფაკულტეტის დეკანი (1955-

ნიკოლოზ იაშვილი



1900-1981. ინსტიტუტის განყოფილების გამგე (1945-1955). ეკონომიკურ მეცნიერებათა დოქტორი, პროფესორი. 1938-1981 წლებში იყო თსუ დოცენტი, პროფესორი, 1936-1939 წლებში საქართველოს ზოოვეტინსტიტუტის, ხოლო 1939-1945 წლებში სასოფლო-სამეურნეო ინსტიტუტში პრორექტორად.

ივანე ჯაში



1901-1984. სოფლის მეურნეობის მეცნიერებათა დოქტორი, პროფესორი. იგი მუშაობდა ივანე ჯავახიშვილის სახელობის თბილისის სახელმწიფო უნივერსიტეტში (1926-1928), საკავშირო სუბტროპიკული მეურნეობის ინსტიტუტში (1928-1930) და საქართველოს სასოფლო-სამეურნეო ინსტიტუტში (1932-1984)

ლუარსაბ კარბელაშვილი



1896-1973. ინსტიტუტში მუშაობდა 1944-1946 წლებში უფროს მეცნიერ თანამშრომლად. ეკონომიკურ მეცნიერებათა დოქტორი, პროფესორი, მეცნიერებათა დამსახურებული მოღვაწე. 1923-1938 წლებში მუშაობდა რესპუბლიკის სახელმწიფო სტატისტიკისა და საგეგმო ორგანოებში, ხელმძღვანელობდა ვახუშტის სახელობის გეოგრაფიის ინსტიტუტის ეკონომიკური გეოგრაფიის განყოფილებას და

თსუ ეკონომიკური გეოგრაფიის კათედრას.

ნიკოლოზ ტყეშელაშვილი



1910-1982. ინსტიტუტში მუშაობდა უფროს მეცნიერ თანამშრომლად. ეკონომიკურ მეცნიერებათა დოქტორი, პროფესორი. იყო თსუ ეკონომიკის ფაკულტეტის დეკანი (1953-1954) და პუმანიტარული ფაკულტეტების პოლიტეკონომიის კათედრის გამგე (1960-1982).

ირაკლი მიქელაძე



1902-1984. ეკონომიკურ მეცნიერებათა დოქტორი, პროფესორი. საქართველოს სსრ მეცნიერებათა აკადემიის აკადემიკოსი, 1930 წლიდან 1977 წლამდე იყო საქართველოს სახელმწიფო საგეგმო კომისიის თავმჯდომარის მოადგილე.

კონდრატე ციმაკურიძე



1904-1995. ცნობილი სახელმწიფო და საზოგადო მოღვაწე. იგი სხვადასხვა წლებში იყო საქართველოს სახელმწიფო ბანკის მმართველი, ფინანსთა მინისტრი, ვაჭრობის მინისტრი, მინისტრთა საბჭოს თავმჯდომარის მოადგილე, სახელმწიფო საგეგმო კომიტეტისა და ფასების სახელმწიფო კომიტეტის თავმჯდომარე.

სერგი ბერაძე



1900-1981. ინსტიტუტში მუშაობდა უფროს მეცნიერ თანამშრომლად. ეკონომიკურ მეცნიერებათა დოქტორი, პროფესორი. იგი იყო თსუ პოლიტიკური ეკონომიის (1961-1978) და სახალხო მეურნეობისა და ეკონომიკურ მოძღვრებათა ისტორიის კათედრის გამგე (1961-1978).